

ՀԱՅՏԱՐԱՐՈՒԹՅՈՒՆ

«ԷՓՐԻՔՈԹ ԿԱՊԻՏԱԼ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԱՐՏԱՔԻՆ ԱՌԻԴԵՏԻ ԸՆՏՐՈՒԹՅԱՆ ՆՊԱՏԱԿՈՎ ՄՐՑՈՒՅԹԻ ԱՆՑԿԱՑՄԱՆ ՎԵՐԱԲԵՐՅԱԼ

«Էփրիքոթ Կապիտալ» փակ բաժնետիրական ընկերությունը (այսուհետ՝ Ընկերություն) Ընկերության 2026 թվականի գործունեության և տարեկան ֆինանսական հաշվետվությունների վերստուգման նպատակով արտաքին անկախ աուդիտորական կազմակերպության ընտրության համար հայտարարում է բաց մրցույթ (այսուհետ՝ Մրցույթ)՝ համաձայն Ընկերության Գործադիր տնօրենի՝ 2025 թվականի օգոստոսի 25-ի թիվ ԷԿ ՆՔ 25/05/2025 որոշմամբ հաստատված «Արտաքին աուդիտ իրականացնող անձի ընտրության» ընթացակարգի պահանջների: Աուդիտի աշխատանքները պետք է ընդգրկեն՝

- 2026 թվականի դեկտեմբերի 31-ին ավարտվող տարվա ֆինանսական հաշվետվությունների աուդիտը և աուդիտորական եզրակացության ներկայացումը:
- 2026 թվականի տարեկան ֆինանսական հաշվետվությունների աուդիտի արդյունքում կազմված «Նամակ դեկավարությանը» փաստաթղթի ներկայացումը:

Աուդիտը պետք է իրականացվի միջազգային հաշվապահական հաշվառման ստանդարտներին համապատասխան:

Մրցույթին կարող են մասնակցել այն աուդիտորական կազմակերպությունները, որոնց մոտ բացակայում են «Աուդիտորական գործունեության մասին» ՀՀ օրենքի 15-րդ հոդվածի 4-րդ մասով սահմանված արգելքները, և որոնք միաժամանակ բավարարում են հետևյալ չափանիշներին՝

- 1) Ընկերության աուդիտն իրականացնող աուդիտորական կազմակերպությունը պետք է լինի «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» Հայաստանի Հանրապետության օրենքով սահմանված մասնագիտացված կառույցի անդամ,
- 2) Աուդիտորական կազմակերպությունը պետք է ունենա ֆինանսական կազմակերպությունների աուդիտի իրականացման առնվազն 5 (հինգ) տարվա աուդիտի իրականացման փորձ: Ընդ որում, այս չափանիշը չի տարածվում ըստ միջազգային խմբի տարեկան համախառն հասույթի մակարդակի առաջին 10 աուդիտորական ցանցերի լիիրավ անդամ հանդիսացող աուդիտորական կազմակերպությունների վրա:
- 3) Աուդիտորական կազմակերպության պատասխանատու աուդիտորը պետք է լինի Մասնագիտացված կառույցի անդամ, ունենա ներդրումային ընկերության աուդիտորի առնվազն 3 տարվա աշխատանքային փորձ և առնվազն 5 ներդրումային ընկերության աուդիտի իրականացման փորձ, ինչպես նաև՝ Մասնագիտացված կառույցի կողմից տրված

աուդիտորի որակավորում և միջազգային հաշվապահական կամ աուդիտորական որակավորման վկայական (օրինակ՝ Էյ-Սի-Սի-Էյ, Սի-Այ-Էս-Էյ),

- 4) Աուդիտորական խմբում ներգրավված աշխատակիցների առնվազն կեսը պետք է լինեն Մասնագիտացված կառույցի անդամ, ունենան աուդիտորական կազմակերպությունում առնվազն 3 (երեք) տարվա աշխատանքային փորձ, ինչպես նաև՝ Մասնագիտացված կառույցի կողմից տրված աուդիտորի որակավորում կամ միջազգային հաշվապահական կամ աուդիտորական որակավորում (օրինակ՝ Էյ-Սի-Սի-Էյ, Սի-Այ-Էս-Էյ),

Աուդիտորական կազմակերպությունների կողմից ներկայացվող առաջարկները պետք է ստորագրված լինեն լիազոր անձի կողմից և առնվազն պետք է ներառեն՝

- 1) Աուդիտորական կազմակերպության անվանումը, գտնվելու վայրը և կապի միջոցները,
- 2) Աուդիտի աշխատանքներին մասնակցող՝ միջազգային հաշվապահական և (կամ) աուդիտորական որակավորում ունեցող աշխատակիցների (այդ թվում՝ աուդիտորական խմբի ղեկավարի) անունները, նրանց աշխատանքային փորձը, քանակը,
- 3) Աուդիտորական կազմակերպության և աուդիտին մասնակցող աշխատակիցների՝ մրցույթի պայմաններին համապատասխանությունը հավաստող փաստաթղթերի պատճենները,
- 4) Աուդիտի իրականացման ընդհանուր գինը (ներառյալ բոլոր տեսակի հարկերն ու ծախսերը),
- 5) Աուդիտի իրականացման ընդհանուր գնի վճարման եղանակն ու պայմանները,
- 6) Աուդիտի իրականացման և աուդիտորական եզրակացության ներկայացման ժամկետները,
- 7) Գրություն այն մասին, որ աուդիտորական կազմակերպությունը չի առարկում, որպեսզի իր և Ընկերության միջև կնքվող պայմանագրում դրույթ լինի այն մասին, որ աուդիտորական կազմակերպությունը համաձայն է ՀՀ կենտրոնական բանկի հրավերով մասնակցել Ընկերության, աուդիտորական կազմակերպության և Կենտրոնական բանկի միջև արտաքին աուդիտի արդյունքների քննարկման համար կազմակերպվող եռակողմ հանդիպմանը,
- 8) Պարտավորագիր այն մասին, որ Ընկերության կողմից ընտրվելու դեպքում աուդիտորական կազմակերպությունը պարտավոր է Ընկերության հետ կնքել աուդիտի իրականացման պայմանագիրը առաջարկում նշված գնով և պայմաններով:
- 9) Հավաստում առ այն, որ աուդիտորական կազմակերպությունը և աուդիտին մասնակցող աշխատակիցները բավարարում են սույն հայտարարության մեջ նշված մրցույթի մասնակիցներին ներկայացվող չափանիշներին և մրցույթի պայմաններին:
- 10) Մրցույթի մասնակցի հայեցողությամբ լրացուցիչ այլ տեղեկություններ:

Առաջարկները կարող են ներկայացվել մինչև **2026 թվականի օգոստոսի 31-ը ներառյալ**: Առաջարկները կարող են ներկայացվել թղթային տարբերակով՝ Ընկերության՝ ՀՀ, ք. Երևան, Վազգեն Սարգսյան 10, 110 տարածք հասցեում գտնվող գրասենյակ ներկայացնելով/ուղարկելով, կամ էլեկտրոնային եղանակով՝ ուղարկելով Ընկերության info@apricotcapital.am էլեկտրոնային կոստին:

Ընկերության բաժնետերերի ընդհանուր ժողովի կողմից հաղթող ճանաչված անձ հաստատված աուդիտորական կազմակերպության հետ համապատասխան պայմանագիրը կկնքվի ոչ ուշ քան մինչև 2025 թվականի դեկտեմբերի 31-ը: